

Headline	Pakar tanah dari Malaysia raih anugerah antarabangsa		
MediaTitle	Metro Ahad		
Date	29 May 2022	Color	Full Color
Section	Setempat	Circulation	120,979
Page No	13	Readership	362,937
Language	Malay	ArticleSize	310 cm ²
Journalist	N/A	AdValue	RM 12,165
Frequency	Daily	PR Value	RM 36,495



Pakar tanah dari Malaysia raih anugerah antarabangsa

Kuala Lumpur: Seorang penyelidik wanita di Institut Penyelidikan Perhutanan Malaysia (Frim) merangkul Anugerah Penyelidik Wanita Cemerlang daripada Venus International Foundation di Chennai, India, Mac lepas.

Dr V Jeyanny, pegawai penyelidik kanan pengkhususan dalam bidang sains tanah yang berpengalaman selama 19 tahun merupakan seorang daripada 33 penyelidik yang dipilih menerima anugerah itu daripada 974 calon.

Dalam temu bual dengan Bernama, baru-baru ini, Jeyanny berkata beliau berbesar hati menerima anugerah itu atas usahanya dalam bidang kesuburan tanah.

"Saya giat mendalami bidang sains tanah sejak 2003 dan penyelidikan saya meliputi pemuliharaan tanah, pemulihan, kimia tanah dan



DR Jeyanny melakukan kerja-kerja penyelidikan selepas sesi temu bual khas di Frim.

tumbuhan serta peranan tanah dalam perubahan iklim. Saya juga merupakan Tim-

balan Presiden Persatuan Sains Tanah Malaysia ketika ini.

"Saya berbesar hati menerima anugerah ini kerana ia menunjukkan wanita juga mampu cemerlang dalam bidang ini yang rata-ratanya didominasi lelaki," katanya.

Jeyanny turut berkongsi bahawa beliau diberi peluang menyampaikan ucapan mengenai cabaran yang dihadapi sebagai seorang saintis wanita dan cara mengatasinya pada majlis Venus International Women Award (VIWA) berkenaan.

VIWA bertujuan mengiktiraf wanita atas pencapaian dan sumbangan mereka dalam bidang sains.

Menurut Jeyanny, kajian Frim semakin penting bagi pemuliharaan sumber tanah memandangkan pembangunan pesat, peningkatan populasi dan permintaan makanan menimbulkan ancaman kepada ekosistem.

"Adalah penting untuk



Saya berbesar hati menerima anugerah ini kerana ia menunjukkan wanita juga mampu cemerlang dalam bidang ini"

Dr Jeyanny

memahami ekosistem dan untuk kita belajar cara mengurus sumber tanah kita secara lestari.

"Kita perlu memastikan penggunaan tanah kita tidak menjejaskan alam sekitar dan menimbulkan masalah seperti hakisan, banjir dan kemusnahan pesisir pantai," katanya.

Beliau menjelaskan baha-

wa Frim menerusi Cawangan Pengurusan Tanahnya menyediakan khidmat nasihat mengenai pengurusan tanah, pengesyoran berdasarkan analisis makmal, pemetaan tanah serta nasihat mengenai pemulihan dan pemuliharaan yang memerlukan teknik pindaan tanah yang inovatif dan kesesuaian spesies tapak.